

### **Akileraarutitigut ilanngaattissat il.il.**

Ataani naatsumik allaaserineqarput ilanngaatit ataasiakkaat kommuninullu ataatsimut akilerararut, taakku siunertaat malunniutaallu kiisalu ukiuni siuliini angissusilerneqartarnerat.

#### **1. Inummut ilanngaat - § 67, imm. 1.**

Inummut ilanngaat naatsorsuinermi ilanngaataavoq siunertaraalu inummut ilanngaatip sania-tigut aningaasarsiat (aningaasarsiat akileraaruteqaataasussat) kisimik akileraaruteqartinneqar-nissaat.

Ukiuni 1975-imiit 1986-imut inummut ilanngaat 20.000 koruuninut, 1987-imiit (akileraartar-nerup aaqqissuuteqqinneqarnera) 1991-imut 35.000 koruuninut, 1992-imiit (akileraarutit iluar-sartuunneranni) 2004-imut 40.000 koruuninut aammalu 2005-imiit (akileraartarnerup aaqqis-suuteqqinneqarnera) 2017-imut 48.000 koruuninut angissusilerneqartarsimavoq.

#### **2. Ilanngaat aalajangersimasooq - § 21, imm. 2.**

Ilanngaat aalajangersimasooq akileraarusiinermi ilanngaataavoq taannalu "ilanngaativinnut" ilanngaammit aalajangersimasumit annerunngitsunut taartaalluni ilanngaataavoq.

Ilanngaat aalajangersimasooq ukiuni 1975-imiit 1989-imut 4.000 koruuninut angissusilerneqar-tarsimavoq, 1990-imiillu 1998-imut 6.000 koruuninut angissusilerneqartarsimavoq, 1999-imiit 2004-mut 8.000 koruuninut aammalu 2005-imiit (akileraartarnermut aaqqissuusseqqin-neq) 2017-imut 10.000 koruuninut angissusilerneqartarsimalluni.

#### **3. Aningaasarsiat B-t akileraaruteqaataasussaannngitsut - § 20, imm. 2.**

Akileraaruteqaataasussaannngitsuni taakkunani isumaginiarneqarpoq akileraaruteqaataasus-saannngitsut saniatigut aningaasarsiat B-t kisimik akileraaruteqartinneqarnissaat. Aammattaarli aningaasarsiat B-t akileraaruteqaataasussaannngitsut tunisassiorfinnut tunisisartunut atuupput, naak tunisanit isertitat aningaasarsiat A-jugaluartut.

Aningaasarsiat B-t akileraaruteqaataasussaannngitsut ukiuni 1975-imiit 1992-imut 4.000 ko-ruuninut angissusilerneqartarsimapput 1993-imiillu 2017-imut 5.000 koruuninut angissusiler-neqarsimallutik.

#### **4. Akissarsiortunut killilimmik akileraartussaasunut ilanngaat aalajangersimasooq - § 2, imm. 2.**

Ilanngaat aalajangersimasooq taanna akileraarusiinikkut ilanngaataavoq, tassalu akissarsiortu-nut killilimmik akileraartussaasunut "ilanngaativinnut" tamanut taartaalluni ilanngaataalluni.

Ilanngaat aalajangersimasooq taanna ukiuni 1975-imiit 2017-imut 1.000 koruuninut angissusi-lerneqartarsimavoq.

## **5. Kommunitut ataatsimut akileraarut - § 63, imm. 2.**

Kommunitut ataatsimut akileraarut akileraarutaavoq immikkut ittoq, siunertaraalu inummut ilanngaatic annertuumik qaffannerata (1987-imi 20.000 koruuniniit 35.000 koruuninut, 1992-imi 40.000 koruuninut aammalu 2005-imi 48.000 koruuninut) kingunerisaanik kommunit isertitamikkut annaasaannut matussutaassalluni. Kommunitut ataatsimut akileraarummit isertitat tamakkiisumik akileraarutitigut naligiissarinermi aqqissuussinermut ilaapput - taamaalillutik inummut ilanngaatic qaffanneqarneratigut kommunit isertitamikkut annaasaat akileraarutitigut naligiissarinikkut kommunitut utertinneqartarput.

Procenti akileraarusiissut, 1987-imi atuutilersinneqartoq, 1987-imiit 1991-imit 3 %-imut angissusilerneqartarsimavoq, 1992-imiit 2004-imit 4 %-imut aammalu 2005-imiit 2017-imit 6 %-imut angissusilerneqartarsimalluni.